

通俗傷寒論

何氏醫學叢書之一種

通俗傷寒論

杜就田



六也堂書

藥局印行

斟酌古今
貫中西
自歸老朽
越州楚

廉臣妹倩已仲春
以有韻命題爰作
四言韵语以應
時互

中華民國十六年仲春
月姻墨弟嚴健春
敬題時年七十



阿廉臣先生遺像

與
妻
米
囚
青
月

周文郁題



溫故知新

引經據典

衷中參西

光前裕後

幼廉仁兄有道

弟周文郁敬題



何廉先生小像

何廉臣先生傳

吾越何先生廉臣。以醫學聞世。羣推泰斗。己巳八月。先生壽終。喆嗣幼廉。筱廉具事略。請爲之傳。以恕之不文。於醫學未窺門徑。何足以傳君。第夙聞緒論。兼有一日之知。故不敢以固陋辭。先生諱炳元。別字印巖。以字行。行醫幾五十年。浙東西婦孺無不知有何先生者。烏乎。學術道藝深邃。如君可謂名副其實矣。君壯歲成諸生。鄉試兩膺鶚薦。以微瑕見屏。遂專力於醫。初師仲聖。覃精古方。乞乞窮年。不以爲苦。旣多心得。更旁及劉李四家。嗣從樊君開周數年。臨證診斷。益變化通神。於葉香巖。王潛齋輩專集。致力尤深。攷覈。擅索洞其精要。診治有得。經誼益閎。而著述益富矣。先生生平雅不欲以術鳴。日惟孳孳於學。其著作傳世。瑩瑩大者如鑑定

傷寒論識。增訂傷寒百證歌註。新增傷寒廣要。鑒定傷寒論述義。
新纂兒科診斷學。新醫宗必讀。（當代民國偉人蔡元培君爲之
序。）增訂時病論。何氏醫論。內科通論。增訂溫病條辨。增訂醫醫
病書。溫病辨正。勘病要訣。實驗藥物學。濕溫時疫治療法。紹興醫
學會課藝。總編紹興醫藥學報。暨改組名月報。警察所主考醫生
試草。喉痧白喉證治全書。梁氏辨舌要略。及醫學答問。任氏醫學
心源。總纂全國名醫驗案類編。何氏醫學妙諦。通俗傷寒論。廉臣
醫案。印巖醫話等書。其間或撰著。或編述。或增訂。或參註。或選評。
或鑒定。或校勘。或纂輯。皆損益羣言。斟酌至當。而先流行社會者。
若感症寶筏。廣溫熱論。葉氏吳氏醫案。按皆引掖後起。有裨醫術。
至恕所心折者。莫如通俗傷寒論。是書秉承家學。根柢諸家。於溫。

熱傷寒。溝通一貫。而君則一生服膺葉氏師其道。宗其術。而又通變。宣氏洵爲獨具微尚矣。讀君之醫案醫話。知世以輕清立方者。更不可同年語也。嗟乎。君既逝矣。而世之讀君書者。疇能如君之方智。圓神。貫西合中。融古今於一爐。起死生於俄頃哉。昔龍門傳扁鵲備述方案。後世以爲知言。君之賢嗣。能世其業於醫術。更能發明光大之。其事略述先生治論甚詳。固無容恕之贅言。特以遺箸等身。未刊布者。當亦不尠。排纂整理。亟待後人。使君之一生學術經驗。均有統系。不至散漫無歸。如航海者。不知所棲泊。則君之精神爲不死矣。君生於咸豐庚申。卒於民國己巳。春秋七十。娶夫人嚴氏。以內助稱賢。今年春葬謝墅鄭家山牛羊崗之原。予爲之論曰。學醫人費。世之人略誦靈蘭。未窺金匱。輒欲懸壺。若

先生者終其身。在醫海中。未嘗以術自高。而日以學自勵。香巖洄
溪。天姿卓然。高風邈矣。如吳淮陰。惟知宗尙葉氏。而識力不閔。時
見批繆先生。能祖而匡正之。博而能精。並世醫界中。如先生者。有
幾人哉。實茂聲宏。宜賢子之昌大其業。不徒能讀父書也。予於香
巖。潛齋。洄溪。鞠通。諸家。均輯有小傳。鈎提玄要。而於君之學。飲海
一勺。無能窮其涯涘。博大閎深。覺有清一代浙派諸家。皆侔乎後
矣。

庚午仲冬素藏王恕常拜手謹撰

何廉臣先生事略

何君諱炳元。字廉臣。別署印巖。浙江紹興縣籍。自幼攻舉子業。早博青衿。而鄉試兩薦不售。遂專習醫學。先與沈蘭垞嚴繼春沈雲臣三君講習古醫學說。約三年。漸通軒岐經旨。仲景方義。繼從名醫樊開周臨證三年。始知症候之傳變。療法之活潑。初君篤守古方。意在尊經。樊君則謂傳世與行世迥異。江浙濱海停江地土原濕。先賢發明療治濕燥溫暑諸法之實驗。不可偏廢。君方兼攷明清各家學說。出以問世。效者固多。猶有不效者。乃決計出遊訪道。集思廣益。寓蘇垣僅一年。居滬江者三年。每遇名醫。輒相討論。類皆云陰陽升降五行生剋運氣流行諸玄說。卽侈然自足。而於切實調治之方法。精確不磨之學理。十無一二。益嘆祖國之明醫。何

其。寥。落。若。晨。星。耶。乃。多。購。泰。西。譯。本。悉。心。研。究。復。令。哲。嗣。幼。廉。從。東。西。醫。遊。飽。飫。新。知。折。衷。舊。學。在。郡。垣。懸。壺。行。道。四。十。餘。年。實。地。經。驗。兩。相。比。較。始。知。西。醫。學。之。未。必。皆。可。取。中。醫。學。之。未。必。盡。可。棄。也。歷。任。紹。興。醫。學。會。長。清。季。首。創。紹。興。醫。藥。學。報。前。後。出。八。十。餘。期。民。十。紹。興。縣。警。察。所。長。考。試。中。醫。君。被。舉。爲。主。試。遴。選。真。才。羣。慶。明。允。備。載。試。藝。選。刊。生。平。作。著。內。斟。古。今。外。參。東。西。所。著。有。濕。溫。時。疫。治。療。法。內。經。存。真。全。體。總。論。內。科。通。論。何。氏。醫。論。實。驗。藥。物。學。藥。學。粹。言。藥。學。彙。講。肺。癆。彙。辯。新。醫。宗。必。讀。中。風。新。詮。痛。風。新。詮。內。科。證。治。全。書。婦。科。學。粹。勘。病。要。訣。新。方。歌。訣。續。古。今。醫。案。按。葉。天。士。醫。案。按。吳。鞠。通。醫。案。按。兒。科。診。斷。學。廉。臣。醫。案。印。巖。醫。話。傷。寒。論。識。傷。寒。百。證。歌。註。新。增。傷。寒。廣。要。傷。寒。論。述。義。等。復。

將先賢遺著參訂行世。則有重訂感症寶筏（卽吳坤安傷寒指掌）重訂廣溫熱論（原係戴北山廣瘟疫論經陸九芝刪潤而定今名）先是君祖秀山公選按俞根初氏通俗傷寒論。君復校勘而梓行之。餘如吳鞠通醫醫病書。何書田醫學妙諦。均加校增付刊。輒近總纂全國名醫驗案類編。已風行海內矣。君生於咸豐庚申十二月二十日。卒於民國己巳八月十二日。春秋七十。哲嗣幼廉。筱廉。篤學精詣。能傳其業。後學不敏。讀先生著述有年。情殷私淑。謹採書報。摭成事實。俾後之編中國醫學史暨修浙省縣志者。得以採擇焉。

庚午孟夏後學無錫周鎮小農拜手謹撰於惜分陰軒

紹興何廉臣先生增訂通俗傷寒論序

國醫之學。導源於四千年前。雖秦漢所存。軒岐內難。炎帝本經。未必果爲上古神聖所手定。要之天生烝民。旣得衣裳粒食。一變邃古茹毛飲血。穴居野處之風。未免藏府官能。漸以柔脆。肌膚腠理。漸以通疎。於是疾疢聿興。疴癘間作。聖人者出。爲之醫藥。濟其夭死。爰取草木偏頗之性質。以禦陰陽迭勝之侵凌。縱使雜病繁多。或非一二人之心。思才智。所能透澈其癥結。然而旣開其端。必有其繼。作者爲聖。述者爲明。數千百年。其術大備。蓋亦猶在唐虞三代之先。所以後之學者。推本窮源。歸其功於在昔制作明備之聖皇。是爲中古相傳。醫家者言。署名黃帝神農所緣起。惜乎皇王時代。載籍留貽。百無一二。幾令先聖危微精一心傳。無以昭著于天下後世。其幸而承先啓後。

俾吾儕生乎今日。猶能窺見秦火以前。國學一綫餘緒。未墜於地者。獨賴有建安紀元。吾宗長沙太守。手集之傷寒卒病論一編。差堪考證三千年前。審脉辨證。選藥製方。具有軌範。而後六氣四時之診。戾乃得藉人力以補揀天災。仲師之功。不在禹下。逮乎六朝隋唐。宋金元明。羣賢繼起。一脈相傳。孰不祖述仲師。篤信惟謹。獨是運會遷流。古今不能無遞嬗之變。山川修阻。南朔不能無寒燠之殊。加以人事日繁。嗜欲日勝。凡足以干天和而致乖氣者。尤其層累疊出。變幻靡窮。所以晚近病情。太半都非仲師本論固有之證狀。嘗考六朝唐人。已以溫病時行名稱。獨標一目。藉以區別於仲聖傷寒。昭示同中之異。然試推敲其治療之門徑。則桂麻柴葛。猶然步武南陽成規。無以拔幟立幟。金元之間。則又羌活九味。防風通聖等方。風靡一世。自謂通治四時。雖藥量固視經方爲輕。而豈知辛燥溫升。相競以劫汗爲

能名爲變則能通。實已大犯太陽禁例。學子因仍故習。多有利未可必。而害已隨之者。此固千百年來國醫之朱紫相淆。瑕瑜不掩。陳跡具在。何庸諱言。洎乎有清。人才輩出。凡百學術。胥有以駕前代而上之。談醫羣彥。亦復遠邁近古。康熙之時。如喻氏嘉言。徐氏洄溪諸賢。著書垂教。其精警處。已非宋金元明所能幾及。最近百年以內。更有浙之王氏孟英。吳之陸氏九芝。溫熱專家。審證精詳。治驗確當。尤推獨樹一幟。雖較之自唐以上不可知。而六七百年。斷然未有其匹。國醫之學。歎觀止矣。壽頤于二十年前。得見紹興何廉臣先生。增訂廣溫熱論。感證寶筏兩編。皆注重于近今之病態變遷。究其原因。詳其現證。救偏補弊。闡發靡遺。不拘拘于傷寒論百十二方成法。而變化錯綜。無往不合。仲師架樓。可以想見其經驗之富。識力之專。以之頡頏孟英九芝兩家。差堪鼎峙。成三而無愧色。蓋求之當代作者。幾有

不可無一。不容有二之感。想嗣於民國紀元五六年間。更得裘氏吉生。新印通俗傷寒論出版。壽頤受而讀之。則康乾之際。紹醫俞氏根初。哀其畢生閱歷所得。發揮治驗。筆之於書。而同邑何秀山先生。手錄俞稿。參加按語。厥後秀老文孫廉臣先生。再加勘斷。泐爲一編。不才始知浙紹何氏家學淵源。芝草靈根。其來有自。所述兼證變證。審脈辨舌。羅羅清疏。如指諸掌。一仍廣溫熱論。感證寶筏之大旨。而又加密焉。後有學者。果能從是入手。深造有得。揣摩十年。以治時病。寧獨事半功倍。亦且舉一反三。將所以鍼膏肓而起廢疾者。胥於是乎在。且言雖淺近。而取之無盡。用之不竭。智者見智。仁者見仁。老醫宿學。得此而且以擴充見聞。卽在後生小子。又何往而不一覽了然。心領神悟。斯可謂之愚夫愚婦。能知能行。而聖人有所不能盡者。金鍼度世。玉尺量才。必如是而始克盡其醫家之天職。彼一知半解之庸